

四庫全書

集部

欽定四庫全書

文苑英華卷四百四十一 宋 李昉等 編

德音八

雜德音二

建中四年德音

一作建中四年伐西河
叛帥勞慰本道百姓勅

編制

勅朕嗣守鴻緒

一作
大業于一作
於

今五年承祖宗之休烈受

明靈之耿命曷嘗不損已求瘼視人如傷思省徭賦以

阜一作康邦俗納羣生於壽域躋大化於昇平而德固虛

薄志不昭感叛人未附戎馬方殷在予之責鑿寐多懼
自兩河背誕兇逆相因殺害非辜盜竊城邑搖蕩我邊
鄙荐食我黎元勞我師徒費我征賦累更時歲未克底
寧朕子育萬人務康暴亂棄其細故待以初誠申之以
大信示之以好惡將冀迷乃知復困則思通亦欲先德
後刑有征無戰不勞師旅以及和平而包藏禍心自構
肩亂一作自相構侮慢朝旨偷盜甲兵去順效逆曾無悛志

謂天可罔謂責可逃緩之則為患日深逼之則橋窮困

抗挾藏姦

一作詐

慝詭毒萬端陷誤忠良申雪無路朕為

人父母實為痛心豈可忍此姦回為之覆燾是以大整
師旅肅將天誅載清寓縣以息黎庶事不得已而至於
斯頃以軍興飛輓相次供億之費餽餉之勤屢擾農商
或擅其利州縣征賦重及疲人朕期一作心於止戈日冀
蠲復先志未就後慮繼之微責既加名目猶廣百姓私
養罔以自贍惟是夙夜不遑安寧豈不知耕織之艱難

轉輸之勞苦每一念至載深憂吁儻上玄垂鑒烈祖降
靈憑將帥之設謀股肱之戮力俾我一戎永清四海則
頒賦名目當日悉停兩稅定數亦各減放以便萬姓咸
與昭蘇各委節度觀察使及刺史縣令所在郡邑

一作部

明加曉諭使悉

一作知

予意朕鬱于大道遠邇未寧必藉

一作假

人力以靖多難宜宣布中外咸使聞知

七月十一日

放免諸道先停放將士資糧德音

編制

見唐大詔令

勅興理化者務積於人長國家者以義為利故斂之欲
薄而使之以時然後億兆歡心遠邇欣戴政平俗阜必
本於茲朕服承天命撫臨區夏憂矜在慮宵旰忘勞苟
可以助化寧人便時益下事無大小皆盡其心比以中
夏甫寧頗勤經費遂收諸道停減將士糧斛用叶權宜
言念疲氓重茲供億頃雖疏理轉送猶勞矐彼東南良
深矜歎夫崇儉可以足用節事可以豐財所當約己菲
躬量宜濟務豈資厚取方給軍須思息遺黎俾蠲徭賦

其貞元二年三年已前所收諸道停減放歸營農將士
軍資糧斛錢米等緣送納向畢任依前勅收管其貞元
四年已徵到及在路者即依前送其在百姓腹內者並
宜令放免其貞元五年已畢每年合收一百七萬八百
八十八貫石宜並放免仍委每道觀察使具當管每州
都放錢數聞奏並各下本州曉示百姓令知其悉於戲
人惟邦本本固邦寧百姓尚豐君孰不足式敷簡惠俾
革煩擾庶其安逸各務農桑布告遐邇明知朕意

貞元
四年

十月

會昌元年彗星見避正殿德音 內制

門下天道運行二氣交感著明不息罔有僭差苟或變
見是為至誠朕以寡德祖宗眷祐撫臨四海茂育群生
夙夜祇慄思臻和洽年穀幸豐方期富庶而德有所未
至信有所未孚妖星謫見既一作旬望未咸天非常象咎
徵昭然觀占次舍寢興愧惕雖罪己之詞常申謝譴而
在予之責更示深衷是用側已修身以答天意冀有感

召導迎休祥自此未御正殿宰臣與群官有司

一作群有司之

官且於延英聽命慎刑審獄理滯申恩冀絕寃結以通

和氣其天下見禁囚徒京城內宜委宰臣一人於尚書

省詳覆如情狀寃屈䟽理訖且錄聞奏諸州府各委長

吏親自覆問不得信任官吏令有寃誣不急之務或慮

勞力且令休罷亦示

一作是

恤人應京城及諸州內府及

公廨寺觀如非要切所有營繕並勒權停救患備災為

政之本言念黎庶彌切憂勤應今年諸道水災蝗虫諸

州縣或有存恤未及處並委所在長吏與鹽鐵度支延
院同訪問聞奏或恐明年又有水旱蝗虫其近江州縣
今正當農隙各委本道加築隄防及勸課百姓種植五
豆以備災患其常平義倉先有收貯未足處切令校料
不得信任所由欺隱永思天誠用警畋遊克己省躬損
之又損其臘日京北府及諸司進食並宜權停於戲謹
告之徵幽微玄遠上天垂耀鑒一作誠彰明思獲銷禳
深用兢勵遐思殷宗之道修德以勝妖緬懷宋景之賢

發言而退舍將欲推誠以御物化災而為祥庶或感通
以遂福應宣示中外宜諒至懷主者施行

十一月十五日

太和六年德音

一作水災令百官早
言事及優恤人戶詔

門下朕聞王者之理天下一物失所興納隍之咎一夫
不獲歎時予之辜雖饑疫凶荒國家代有而陰陽侵沴
儆戒朕躬自諸道水旱害人疾疫相繼宵旰罪已興寢
疚懷屢降詔書俾副勤恤發廩蠲賦救患賑貧亦為至
矣今長史申奏札瘥猶甚蓋教化未感於庶蒸

一作
蒸人精

誠未格於天地法令之或棄官吏之或

舊唐書
作為

非百姓

寔寃稅役多弊奸賊未去農業失時有一于茲皆傷和

氣並委内外文武常參官一一條流各具所見聞奏必

當親覽無憚直言其諸道應有災荒處其疫死

一作
疾疫

家有一門盡歿者仰官給函具隨事瘞藏如有一家口

累因疫死一半者其長吏量事即與本戶稅錢三分中

減一分死一半已上者與減本戶稅錢一半其疫疾未

定處並委長吏差官巡撫量給藥醫詢問救療之術各

加拯濟事具

一作畢

條流奏來其有一家長大者皆死所

餘孩稚拾貳至襁褓者不能自活必至殍殤妻長吏勸

其近親收養仍官中給兩月米糧

五字一作給糧兩月

亦具都數

聞奏江淮諸道既有凶荒賦入上供悉多蠲減國用常

限或慮不充其度支鹽鐵戶部及百司除諸軍衣糧布

帛及宗廟祭享切急所須并常科用外所有舊例市賣

貯備雜物一事已上並仰權停待歲熟時豐別舉處分

於戲朕自臨御于今七年兢兢乾乾不敢自逸而冲昧

寡德未能變調嘆旱水災或罹於藩郡天亡疾苦或橫

一作害

於生人悼於厥心省己自責其州府長吏各奉詔

條勉加拯恤凡在中外宜體朕懷主者施行

五月二十八日

太和八年疾愈德音

內制

門下朕祇若天命續承睿圖正統紀以清庶方序彝倫
以貞百度慄慄寅畏于茲九年雖儉已飭躬推誠育物
懼有未至不遑晏寧屬節氣交時疾恙嬰體列聖垂佑
涉旬復初既上慶於兩宮宜覃恩於兆姓庶與寰宇同

茲福祥自太和八年二月九日昧爽已前天下應犯死
罪降從流流徒等已下罪遞減一等唯官典犯贓及諸
色所由破用官錢故殺十惡等罪不在此限左降官流
人緣近有三字亦
作宜準去年八月九日勅宜即與處分為政
之要必在去煩厚下之恩莫先已責應度支戶部鹽鐵
積欠錢物或因繫多年資產已盡或本身淪沒展轉難
徵簿書之中虛有名數囹圄之下常積滯寃言念于斯
所當矜恤其度支戶部鹽鐵應有懸欠各委本司具其

可徵可放數條流聞奏不得容有姦濫在京諸司諸使
食利錢其元舉人已納利計數五倍已上者本利並放
其有人戶逃死攤徵保人其保人納利計兩倍已上者
其本利亦並放免其納利未滿此數者待納利數足徵
本停利其諸色私債止於一倍不得利上生利仍委本
縣各為詳理處分京邑之中本無權酷屬真元用兵已
一作後費用積廣始定店戶等第令其納權况萬戶
一作方所聚私釀至多禁令既不可施權利自無所入徒立

顆額殊非惠人其長安兩縣見徵納榷錢一萬五千一

十一一無此字貫八百文若先次者並放免其榷酒錢起今日

已後亦宜並停比者滄寇干紀稽誅數年諸道興師累

獻戎捷時方討叛難議釋縲免死戍邊已為一作恩貸

今滄州一道久被朝章念其懷土之心必有向隅之歎

俾之遂性用洽優恩其諸道所送滄州將健配流及邊

鎮營田役使者共一千三百五十九人並委本道節度

觀察使據見在人放歸本管如有已效軍職及自有生

業不願去者亦任便住董昌齡自至邕州累平溪洞兵
威所向首惡皆擒然每念蒼生無非赤子況在荒徼尤
當撫循其溪洞如有未歸附者向後非因侵擾更不用
進討仍加存撫使各懷安其所獲黃洞百姓並分配側
近州縣令自營生不得沒為奴婢將充賞給如元是奴
婢者即任充賞南海蕃舶本以慕化而來固在接以恩
仁使其感悅如聞比年長吏多務徵求嗟怨之聲達於
殊俗况朕方寶勤儉豈受一作遐琛深慮遠人未安率

稅猶重思有矜恤以示綏懷其嶺南福建及揚州蕃客
宜委節度觀察使常加存問除舶脚收市進奉外任其
來往通流自為交易不得重加率稅天下諸州府如有
寃滯未伸宜委御史臺及出使郎官察訪聞奏於戲朕
百靈所祐獲遂痊和虔奉神休敢忘昭報其五岳四瀆
天下名山大川各委所在長吏致祭仍加豐潔以副精
誠朕以寡德上奉丕構宗社流慶玄穹叶靈徽恙憊和
旋就康復渥澤恩及於人瘼儆戒先自於朕躬俾我華

夷共歡富壽中外臣庶宜體予懷主者施行

二月九日

一作皆唐大詔令

疏理囚徒量移左降官等德音 編制

門下朕聞惟天為大惟堯則之施及文王昭事上帝朕
遐思古訓順考前文仰止於皇王之間規範於堯文之
際始如徒涉而望超溟渤中若策蹇而求躡雲霄思逮
於三希之則至由是力於恭己銳以濟人九載於茲一
致不怠然而德未甚腆信未甚孚雖懷汙可之詩敢企

康哉之詠尚賴社稷降祐祖宗垂休兵革向寧朝野斯
又自項誕施渥澤冀獲霽流猶慮莫及昭蘓愈多乏困
今則夏田豐稔倍於常時不足之憂暫免興慮又以西
成未保蟲蝗是慮一作虞永惟惠卹之宜庶叶銷禳之要
苟能利於百姓賴於四方可使稼穡有年邊疆無事則
惟恐不及豈憚於必行是用更理闕遺再新提舉一陽
斯始爰開蕩滌之恩晏陰將成式繼矜蠲之令副我誠
切在爾司存應京畿及天下見禁囚徒暑毒之時要令

疏理牢獄之內慮有滯寃宜令臺府及諸軍司并所在
州縣長吏據見禁囚徒流限德音到後七日內親詳罪
名疏理訖聞奏不得更延引時日除非巨蠹有碍去年
赦條外餘並節級遞減一等從輕處分左降官及諸色
流人近雖累有赦令皆以沾恩欲其悔過自新豈慘頻
施需澤經去年赦條已得量移者更與量移合復資者
准則例處分其去年十一月十日後至今年五月以前
續有左降官及流人亦便與量移如今放還者所司速

與處分內人久在深宮常膺役使不惟勤勞可憫固亦
親愛是思宜令揀選宮人五百人放出各歸其家屬俾
無離怨用叶推恩見在宮人尚令揀放諸節進奉宜有
指揮應諸親及公郡主等每年端午及延慶并嬪妃生
日所進人一作女口自今已後宜並停進鷹鷄之設本資
畋遊朕端居穆清不好馳騁所宜改放以遂物情左右
神策軍各放二十聯伍坊放三十九聯飛龍放一十九
聯其左右神策軍每年進鷹鷄放一作於數內停減春秋

二社兩進九月十五日各停進鷹二聯共停一十四聯
應租庄宅使司產業庄碇店鋪所欠租斛斗草及舍課
地頭等錢所由人戶貧窮無以一作徵納年歲既遠虛

繫簿書緣咸通七年赦條不該今宜從大中三年至大
中十三年已前並令放免京兆府奏雲陽等一十二縣
百姓論去年宿種麥苗下子後旋被蝗虫食損今年盡
不滋生雖京畿之間去冬蠲放不少但以疲人懇訴須
務哀矜已令府司差官巡檢如有損處即時特與減放

令府司具合放數指實聞奏戍役辛勤道途綿厯將還
鄉土在贍供須安南邕州已奏放回北軍其餘頓遞經
過本州縣界並須如法先自備辦擬排比切不得臨時
差配百姓及借索擾人仍錄前後德音赦條於鄉村分
明榜示不得違越仍委所在長吏嚴立條置專加覺察
枷禁所施在防奸蠹舉便欠負未涉重條如開府縣禁
人或錄私債及有錮身監逐無計營生須有條流俾其
存濟自今已前應百姓舉欠人債如無物產抵當及身

無職任請受

一作奉

所在州縣及諸軍司須寬與期限切

不得禁錮校料令其失業又輒不得許利上生利及回
利作本重重徵收如有違越勘實奏聞去年德音條流
事件極多貴其普及生靈惠沾寰宇尚聞所赦令在未
盡施行今重舉明俾無留滯宜令天下長吏差清強判
官專勾當切更分明檢舉一一據事節施行訖奏聞如
更因循必行朝典其所差判官仍速具名銜分析聞奏
好生之德宜及禽魚字

一作卯

育之時須加條制舊勅每

年起三月一日至五月末不許採捕水虫禽鳥雖有舊

勅

一作勅禁

尚恐因循宜令臺府并諸軍司每及時禁之月

更嚴提撕勿使違犯儉德之修聖賢所重近日俗多澆

靡時尚矜誇朕常慕素風斯遵儉制去年赦文之內已

曾明有指揮所宜克副朕心用誠奢僭東川每年進窰

浸荔枝道路遙遠勞費至多自今已後令宜停進布告

中外稱朕意焉主者施行

咸通八年五月十八日

一作皆唐大詔令

疏理京城諸司及諸州軍府囚徒德音

編制

勅慎恤刑獄大易格言曰如得其情哀矜而勿喜而

獄吏苛刻務在舞文守臣因循罕聞親一作視事以此械

繫之輩溢於狴岸逮一作追捕之徒繫於簡牘實傷和氣

用一作因致沴氛况時屬煊蒸化先茂育並赦罪戾式順

生成應天下所禁繫罪人非一作除十惡五逆及故意殺

人造作一作合造毒藥持仗行劫開發墳墓外餘宜並疏理

什放如或信任人吏多有生情繫留續察訪得知本道
觀察使判官州府本曹官必加懲譴以誠慢易勅到十

日內䟽理分析聞奏

咸通十二年
五月十六日

一作昏舊唐書



文苑英華卷四百四十一

欽定四庫全書

集部

文苑英華卷四百四十三

詳校官庶吉士臣柳邁祖

助教臣常循覆勘

總校官進士臣朱鈺

校對官中書臣鮑之鍾

謄錄監生臣沈世政

欽定四庫全書

文苑英華卷四百四十二

宋 李昉等 編

冊文一

皇帝冊文

肅宗皇帝即位冊文

賈 至

維天寶十五載歲次景申七月癸丑朔十二日

一作壬子朔十

三日甲子皇帝

文粹作太上皇

若曰咨爾元子某惟天為大惟

人君則之順乃德故舜禹揖讓而履皇極弗乃道故丹

朱商均不能保鴻業是以啓有惠迪而夏嗣焉隋有亂

紀而唐受焉五聖之御極

文粹作寓

皆以勤儉兢業日慎一

日故能享祚長久垂慶無窮洎于六業恭位四紀厭於

勤倦緬慕汾陽當保靜怡

文粹作頤

神思我烈祖玄元之道

是用命爾元子某當位嗣統於戲爾有忠孝之誠極於

君父爾有友愛之義信于兄弟爾有仁恕之行通於神

明爾有戡難之才彰于兆庶予懋乃懿績

文粹作德

嘉乃神

武天之厯數在爾躬汝惟推誠禍亂將冀爾而

文粹無而字下

同能

詔令作永

清爾惟從諫社稷將冀爾而復寧佞言惟疵

直言惟師任賢勿貳去邪勿疑雅非后孰去

文粹作民非后孰理

后非賢罔與守邦欽哉慎乃有位無忝我祖宗之丕烈矣

德宗皇帝即位冊文

王言會最

維大曆十四年歲次己未五月辛丑朔二十三日癸亥
皇帝若曰於戲昊天有命皇王受之立嫡以賢春秋之
義傳歸詔令作之於子漢氏成規宗廟社稷實賴其慶咨爾

皇太子适稟天地之仁合日月之耀道光三善孝著十

倫頃者國步多艱委以戎律理軍靖難保太定功克復

帝圖廓清妖孽既表建侯之業俾承守器之重仁孝之

德夙夜惟寅朕天命有終弗興弗寤非至公無以主天

下非至法詔今作德無以臨四海是用命汝陟于元后嗣守

皇業上繼宗祧下安群望其令詔今作命門下侍郎同中書

門下平章事常袞奉冊即皇帝位於戲宜遵太宗之法

度肅宗之儉約任賢勿貳去邪勿疑與衆守邦祇敬予

訓

順宗皇帝即位冊文

維貞元二十一年歲次乙酉正月辛未朔二十三日癸
巳皇帝若曰於戲天下之大實惟重器祖宗之業允屬
元良咨爾皇太子誦睿哲溫恭寬仁慈惠文武之道稟
自生知孝友之誠發於天性自膺上嗣毓德春闈恪慎
於一作于厥躬祗勤于大訓必能誕敷至化安勸庶邦朕
寢疾彌留弗興弗寤是用命爾繼統俾紹前烈宜陟元

后永綏兆人其令

詔令作
宜命

中書侍郎同中書門下平章

事高郢奉冊即皇帝位爾惟奉若天道以康四海懋建

皇極以熙庶功

詔令
作工

無忝我高祖太宗之休命

詔令
作烈

穆宗皇帝即位冊文

維元和十五年庚子閏正月甲辰朔三日景午皇帝若
曰於戲上天降鑒保佑于我國家十聖丕承光宅四海
鴻休大業以逮予一人嚴恭祗畏懼弗克負荷賴宗社
垂慶生靈又安朕寢疾彌留弗興弗寤神器所付屬之

元良以

詔今
作咨

爾皇太子恒孝友聰明溫文睿哲自主七

粵日新厥德必能繼予勤志綏靜萬邦是用命爾陟于
元后宜命中書侍郎平章事令狐楚奉冊即皇帝位懋
建皇極無忝我祖宗之休烈

敬宗皇帝即位冊文

維長慶四年歲次甲辰正月辛亥朔二十六日景子皇
帝若曰惟天輔唐德我祖宗克答天意邁德勤道紹休
大業洎予一人嗣守四海祇事天地愛育萬類罔或失

欽定四庫全書

卷四百四十二

墜

詔今作
怠惰

于今

詔今
作茲

五年今寢疾彌留弗興弗寤

詔今
作不

興不
寤

獲以重器付之元良咨爾皇太子湛列祖垂慶自

天生德孝友慈惠溫良恭敬必能輯寧邦家輝光緒業
是用命爾陟于元后宜令中書侍郎平章事牛僧孺奉
冊即皇帝位爾有廣大之量可以奉天地爾有孝敬之
志可以事神祇和惠可以撫萬邦仁愛可以親九族任
賢尚德遠佞去邪爾惟欽承無忝我祖宗之休烈

文宗皇帝即位冊文

維寶歷二年歲次景午十二月甲午朔十二日乙巳太
皇太后若曰大行皇帝睿哲英能對天明命方夏底績
夷蠻貢庭罔有不端大康有截宜荷九廟之重永享億
年之祿豈虞奸妖竊發矯專神器蠱惑中外扇誘羣朋
駭動神人疊深集獍咨爾江王某聰姿詔令作哲孕粹清明
毓和智筭機關玄謀電發躬率義勇大清兇徒且膺當
璧之符爰據枕戈之憤既殲巨害當享豐福是用命爾
陟于元后宜令司空平章事裴度奉冊即皇帝位永惟

高祖太宗之剪定隋亂玄宗之浸漬利澤憲宗之堅除
詔今作拔 蠹孽艱難險阻最乃負荷小心以事上帝儉德以
刑家邦懋于令聞持久如始敬之休哉

尊號玉冊文

上應天神龍皇帝冊文

李嶠

維神龍三年歲次丁未九月景申朔五日庚子具官某及
文武群官等謹昧死再拜稽首奉冊言爰自厥初肇興
司牧皇矣撫極蒸哉察道莫不因時適變改物殊徽推

五運而陟崇高步三微而膺歷數天地人皇之立稱始
別洪荒唐虞夏帝之君尊漸詳文質姬水以推輪發號
烈山以斷耒增名然後仁被德宣功昭業遠歷訪前古
茲為舊式我大唐受乾坤之睠命當寓縣之謳歌奄有
黎蒸遂荒宸象應天皇帝陛下垂統御極截海披圖承
四業之休光握三靈之寶契虞舜蒸蒸之德永錫羣方
周文翼翼之心其凝庶績驅齊民於仁壽致雅俗於醇
濃六府咸修五兵一作戎不用航海梯山之客奉贄輸琛

畊田鑿井之夫擊壤鼓腹中外靜謐表裏雍熙而孽子
滔天亂臣干紀謀同觸瑟禍劇弄兵不虞之灾忽生于
肘腋無象之鑿獨憤于神祇于時凶豎逼樓聖君憑檻

威靈下濟覺封豕之周惶醜逆上瞻見神龍之傳一作轉

翼寶仗似億千之衛天威一作儀成丈六之容衆瑞俱一作

共臨羣祆大駭盡迷方而失據咸喪一作奪氣而亡精顧

盼而斬馘輦屍指揮而冰銷霧廓雖復草為兵甲秦師

驚蔣帝之神樹作幡幢釋主魔一作屈魔王之衆蛇軀之

變媧后蛟影之隨漢高未足以匹此奇徵方斯偉應自
非冥符幽贊睿感潜通何以承波若之護持享高明之
福助昔者仗牛之主是曰犧皇名鳥之君仍題鳳紀法
身用馬鳴成道上士以龍德為仙敢托元符爰咨故實
謹上尊號曰應天神龍皇帝鴻猷載肇昌厯惟新庶以
仰順乾心俯從人欲天長地久更隆四大之尊名玉振
金聲恒為百王之稱首盛矣美矣皇哉唐哉臣某等誠
歡誠喜頓首頓首死罪死罪再拜以聞

一作皆唐大詔令

開元神武皇帝冊文

蘇頌

維先天二年歲次癸丑十一月辛酉朔二十八日戊子

攝太尉臣某等文武官六千五百一十四人言臣聞厥

初生人首出庶物物不自理惟后所以康乂后不自專

一作尊惟人所以歸往古先哲后安人育物表功崇號不

可避一作辭也皇矣上帝臨于巨唐降氤氲垂耿光重熙而

累盛至太皇而授聖臣等敢稽首而言曰曩者景龍之

末長蛇縱禍陛下慮宗祏之墜提劍而夷之則因親以

尊主間者朝有賊臣天罰大懲陛下拯邦家之難援旗

而勅之則措枉以舉直戮不及嗣惡惟其魁一作身思與

王公卿士下逮元元揚閭澤而育一作布和氣臣又聞軒

夢華胥堯期姑射未有一其道而順大皇之心文王之

事武王緝熙未有一其時而居聖神之位褰裳釋重至

公也端冕一作辰嚮明至孝也使九族敦一作悖叙百工允

釐東西南北砥礪聲教彼靈有四招翠黃而可乘我寶

有三捐珠玉而不御然猶發揮禮樂馳騫典墳論思獻
納進善從諫日慎一日上稽乎天意下考於人謀卓哉
協元符而燦靈命者也夫開者泰也罔不通武者威也
罔不服臣等不勝大願昧死上尊號曰開元神武皇帝
謹上玉冊玉璽臣等誠惶誠恐死罪死罪謹上

一作皆唐大詔令

會昌二年上尊號玉冊文
李德裕

維會昌二年歲次壬戌四月乙丑朔十四日戊寅攝太

尉光祿大夫守司空兼門下侍郎同中書門下平章事
臣德裕銀青光祿大夫守尚書左僕射兼門下侍郎同
中書門下平章事臣夷行金紫光祿大夫尚書右僕射
兼中書侍郎同中書門下平章事臣珙銀青光祿大夫
守中書侍郎同中書門下平章事臣紳及文武百官金
紫光祿大夫檢校司徒兼太子太保臣僧孺等六千五
百七十四人言臣聞義皇首太古之號成湯顯甚
文粹
作神
非武之稱我高祖皇王是憲尊名若古貽厥丕訓為孝

孫之

集無
之字

法豈不善始善述

一作
終

哉矧乃巨唐受命繼

體承業理運將至大君以興昊穹所以開至聖也向者

明兩未定帝華不協舍胤傳聖深惟至公先后所以昭

天命也亦猶堯發於唐侯文興於代邸神明之祚不其

難哉

詔令
作乎

伏惟皇帝陛下清明溥鬯光耿四海玄德真

一作
詔莫

隣天休大賚

一作
集

日角見表氣志如神爰初定命

正心理物如辰居其

集無
其字

極而天下無邪矣由是昭德

塞違尊賢遠佞禹不自滿成不敢康罔般

詔令
作遊

于田不

適于色自閨壺以施王教由家道而刑國風去比周覈

名實攬權綱折聖律

詔令作紀
文粹作德

修舊典協成

詔令
作誠

質圻

嘉壇欵太

詔令
作奉

一進正臣以端治表禮故老以求謹言

遠無蔽獄近無留令

一作
命

祈玄祖而膏雨降祀靈岳而

嘉穀登省刑罰而蓬敷清

一作
消

發倉廩而蝻螟息去歲

龍旂承祀大輅親郊捧玉瓚而一獻光靈來格振金石

而六變魄寶昭臨

一作
靈

然猶古訓是學緝熙于道天文

炳煥雲漢其章溫恭敬遜承太任之教和樂愷悌洽戚

藩之心德風偃于羣黎威震動乎絕域又以敬養不逮於長樂昭配未昇於禰宮每懷嗣徽蒸蒸而慕所以奉若慈訓對越兩儀因心立志永錫其教寬底劓之罪興惻隱之仁迴霜收電

一作迴電收霜

為之反汗及單于慕義景

附朔邊耀德戢兵謙臨是受至於備文物展國容莫不先甲而布甘澤丁辰而廓陰翳和景晏溫卿霽網緼斯所謂神祇之心應矣天人之際交矣於是服冕之士戴鶡之倫暨藩衛

一作侯

邦伯黃髮鮐背不謀而進曰陛下

玄默天晬輝光日新大矣孝熙四極爰臻誠宜玉版溫
潤鏤鴻明之德神寶焜耀荐億萬

詔令作
萬斯

之年丕天大

典不可辭也陛下猶謙退固拒至於三四群臣不已乃
曰俞哉夫徧覆包含之謂仁極深研幾之謂聖憲度著
明之謂文蠻夷震懼之謂武感而遂通之謂神無思不
服之謂孝臣等不勝大願謹奉玉冊玉寶上尊號曰仁
聖文武至神大孝皇帝伏惟陛下乾健不息謙尊而光
樂戒其耽禽戒其荒壽乃侔於殷宗德

詔令
作俗

乃厚於成

康貽燕後昆受福無疆臣德裕等誠懼誠躍

懼

一作

頓首

頓首謹言

會昌五年上尊號玉冊文

維會昌五年歲次乙丑正月己酉朔光祿大夫守太尉
兼門下侍郎同中書門下平章事臣德裕光祿大夫守
尚書左僕射兼門下侍郎同中書門下平章事臣棕朝
議大夫檢校尚書右僕射兼中書侍郎同中書門下平
章事臣讓夷朝議大夫守中書侍郎兼戶部尚書同中

書門下平章事臣鉉及文武百官太中大夫守太常卿
臣孫簡等六千二百二人言臣聞昔在周宣獫狁內侵
四牡薄伐以定王國馬則詩人大其功暨于漢宣北夷
乖亂呼韓慕義致支遠遁則簡策著其美惟此二代稱
為中興間者開成之末星孛如雲螟飛蔽天先帝威之
黎人懼焉乃授至聖遺大投艱迄茲成功厥有冥數伏
惟仁聖文武至神大孝皇帝表應龍翼位合集作乾剛
神全而正氣凝宇定而天光發智燭千里動必察微集作

綴心鏡萬機物來斯應於是五材用四維張建中和之

極舉

集作紹

前聖之綱重樞機脩法制刑御家之理無出

柵之言銷讒邪遠巧佞斥背公之黨退好徑之人內嚴

體貌增堂陛之峻外絕締交抑

一作去

輔車之勢古所謂

受命於天惟順獨正也又曰一心定而萬物服惟陛下

得之曩者北夷矜功耗蠹中國種類盤牙根柢封殖異

術肺腑縞衣如荼挾邪作蠱浸淫宇內倒懸不解百有

餘年既而龍祠堙滅携國欵塞質帝女感漢

集作海

疆有

狼顧平城之心鯨吞咸洛之志爰命驍

集作
巢

將塞旗刈

旗兵鏖穹廬火烈荆榛颯剝幙碎輶輜六羸遯逃貴女

一作
主

生還剗滅妖迹勦除醜類故名王結髮冠帶入臣

豎昆稽首鞞譯來獻而又奸臣放命一紀陸梁據太行
之固下窺洛邑通故絳之道旁睨近闕樹其遺孽以竊
兵柄議者僉曰精甲十萬積穀十年泉魚不察湯網宜
懸陛下雄斷霆聲羣疑冰釋揚清風以一作掃雲鼓迅
雷以破山任馮異則拔天井而震上黨仗吳漢則發突

騎而傾

一作窺

邯鄲壺關失險山東奪魄屬有戍邊叛將

竊發參墟人心搖蕩異議放肆陛下臨朝而言曰二寇

獲罪于天子所不舍未三旬而定晉陽纔期年而滅潞

子不以金購豨將多降不勞師克粵首馳報非至德感

物孰能臻於此乎由

集作於

是台宰百辟藩屏將帥上言

曰成伐東夷而肅慎來賀景剪七國而王室乃安莫不

始於武功終致刑措將以禋上帝荐祖宗宜受鴻名以

荅玄貺陛下猶謙遜而五讓之

集作請事

勤勤罔已乃屈已

以俞之雲漢為章所以昭法度也神明其德所以成教化也崑崙乎有功帝堯之則也勤于大道玄祖之訓也臣等不勝大願謹奉玉冊玉寶上尊號曰仁聖文武章天成功神德明道大孝皇帝伏惟陛下不有其名以保其成不德其功以戒其盈享殷宗之福致周道之平熙我王度永集作玉振金聲臣德裕等誠懼一作躍誠懼一作頓首頓首謹言

文苑英華卷四百四十二

欽定四庫全書

文苑英華卷四百四十三 宋 李昉等 編

冊文二

皇太子冊文

晉王為皇太子冊文 王言會最

維貞觀十七年歲次甲辰四月某朔日於戲惟爾并州
都督右武侯大將軍晉王治忠肅恭懿宣慈惠和仁孝
發於自然信義備於成德禎祥夙著睿哲日新永言少

陽七鬯是寄疇咨朝列卿士叶從是用命爾為皇太子
往欽哉爾其思王道之艱難遵聖人之炯戒勤修六德
勉行三善無或舉非法度忘恭儉而好驕奢無或理乖
彝倫遠忠良而近邪佞非履道無以揚名非任賢無以
成德爾身為善國家以安爾身為惡天下以殆睦九族
而禮庶僚懷萬姓詔令作邦而憂遐裔兢兢業業無怠無荒
克念爾祖宗以寧我社稷可不慎歟

冊代王為皇太子文

維永徽七年歲次丁巳正月景寅朔六日辛未於戲夫

明兩載象道貫三才元良表德業隆千古是以夏啟作

貳光闡高猷姬誦升儲發揮王道詳求典冊式瞻七鬯

固本垂統允推詔令正緒惟爾代王弘猗蘭毓祉喬桂

凝華岐嶷表於天姿符彩詔令彰於神授器業英遠風

鑒昭朗踐嘉義而總深仁捨幼志而標成德爰資玉裕

早振金聲朕虔奉靈圖肅詔令膺丕業仰惟七廟之隆

詔令思高詔令萬葉之慶疇咨列辟欽若前修是用命

爾為皇太子往欽哉爾其祇奉憲章率由軌度盡謙恭
於菑冒審方俗於迎郊春禮冬詩趨庭靡懈三善六德
勗志無愆絕驕奢之心納忠良之訓播徽猷於外宇申
敬奉於中闡允睦周親務殷堯族永隆四術式寧萬類
無怠無荒固保我宗基可不慎歟

冊平王為皇太子文

維唐隆元年歲次庚戌七月庚戌朔二十日己巳皇帝
若曰天有不命集寶位于朕躬所以奉若天道建茲元

嗣其明聽朕言咨爾平王隆基幼而聰允長而寬博有
夙成之量焉夫禮以修外樂以修內者是務於文也春
夏學干戈秋冬學羽籥者是兼於武也繫於百姓間於
天下者是由於仁也一日三朝堂藥視膳者是資於孝
也爾有文武仁孝之德以知君臣父子之道朕甚休之
間者賊臣構逆窺窬神器則我有唐之祚危若綴旒爾
義刑邦家忠衛社稷誅其兇惡以之康濟主七鬯者非
爾而誰是用命爾為皇太子古人有言曰爾身克正罔

敢不正人心罔中惟爾之中昭昭臨下不可不畏慎簡
乃僚允迪端士恭儉惟德遠於儉人則萬邦以貞庶答
揚我四聖之鴻烈敬之哉

冊成王為皇太子文

維乾元元年歲次戊戌十月庚子朔五日甲辰皇帝若
曰於戲自昔聖王咸建儲貳蓋將嗣守神器虔奉宗禋
是以禮經著元貞之德易象載重明之義朕纘服鴻緒
丕承前烈爰升主鬯之賢實符當璧之命咨爾太尉

唐書

作元帥

成王倣

按新舊唐書立成王倣為皇太子會要十月五日冊命改諱務作豫蓋用新名

道

備文武生資睿哲溫文彰於日就孝友稟於天成往以
克醜亂華干戈集事是能出陪戎駕入奉廟謀克符丹
水之師實剪綠林之盜所謂功定社稷義臨君親今萬
邦以貞三善斯屬宜膺上嗣之典俾踐少陽之位是用
命爾為皇太子以副朕躬爾其思王業之艱難遵聖人
之炯戒非尊賢無以成德非廣孝無以承親遠斥便佞
詢謀正直兢兢業業庶保于大猷然後無忝爾祖宗克

寧我邦家往欽哉丕膺景命可不慎歟

冊廣陵王為皇太子文

維貞元二十一年歲次乙酉四月庚午朔五日甲申皇

帝若曰建儲貳者必賢

韓愈順宗實錄及詔令並作歸

於冢

詔令作上

嗣固

邦本者允屬於

詔令作于

元良咨爾元子廣陵王某幼而

實錄

詔令作挺

岐嶷長標恂淑佩詩禮之明訓稟

實錄作宣

忠孝之弘

規居常保謙

實錄作居惟保和

動必循道識達刑政器舍

實錄作合

溫文愛敬奉於君親仁德聞於兆

實錄作士

庶神祇龜筮罔

不叶從是用命爾為皇太子於戲惟我烈祖之有天下

也功格于上帝祚流于無窮光纘洪緒

實錄作業

逮予十葉

虔恭寅畏日慎一日付爾以承祧之重勵爾以圭鬯之

勤以貞萬國之心以揚三善之德爾其尊師重傅親賢

遠佞非禮勿踐

詔令作履

非義勿行對越天地之耿光丕承

祖宗之休烈可不慎歟

冊郢王為皇太子文

內制

維開元三年歲次乙卯正月甲申朔四日丁亥皇帝若

曰於戲書不云乎一人元良萬邦以貞易不云乎黃離

元吉得中道也將以守監從撫主噐承桃執經陳東序

之容端冕見南郊之禮本枝百代宜哉福祉詔今作祿咨爾

郢王嗣謙忠肅恭懿元亨利貞遵在鎬之惠慈稟生譙

之祥應學能知道孝乃因心書及春卿懸知詔今作推早秀

言窮淑譽遠愧生知當試象之年備成人之敏九玄有

詔今作贊命百姓與能正位少陽欽惟大典是用命爾為皇太

子其在靖恭爾位聿修厥德詩書禮樂敦悅為本父子君

臣威儀因感寢門問豎必視寒暄望苑招賢用資端直
使三靈合契四海係心延我累聖之業積爾重輝之慶
必敬必戒無怠無荒往惟欽哉可不慎歟

冊忠王為皇太子文

內制

維開元二十六年歲次戊寅七月戊寅朔二日己巳皇
帝若曰於戲受天命者皇王之業大為國本者儲副之
位崇所以上承宗祧下固黎獻咨爾開府儀同三司單
于大都護河東河北道行軍元帥朔方軍節度大使魚

關內支度營田鹽池押諸蕃部落等使上柱國忠王瓌
幼而夙成長有宏量佩服仁義周旋禮樂忠孝極於君
親友愛聞於兄弟正以率下謙以持盈識洞於微智周
於物通刑政之大體備詔令
作頁文武之殊能果於積德樂
於為善凡此數美常試皆能然豈矜自知詔令
知予之明

諒曰至公之義况復仰稽天道俯察人心立長則順天
所助也議才則賢人之望也是用命爾為皇太子往欽
哉爾其敬膺典冊無忘戒慎思創業之艱難詔令
多難知

守器之為重作貞萬國允協重明以揚烈祖之耿光永
貽後嗣之成式可不慎歟

冊遂王為皇太子文

內制

一作玉
堂遺範

維元和七年歲次壬辰十月庚戌朔十七日壬寅皇帝
若曰於戲建立儲嗣崇嚴國本所以承祧守器所以繼
文統業欽若前訓時惟典常粵我祖宗克享天祿奄宅
九有貽慶億齡肆予一人序承丕構績武烈祖延鴻本
枝受無疆惟休亦無疆惟恤負荷斯重祇勤若勵永懷

詞訓當副君臨咨爾遂王恒體乾降靈襲聖生德教深
蘊瑟氣叶吹銅早集大成不屑幼志溫文得於天縱孝
友因於自然符彩昭融器業英遠爰膺錫社實寄維城
懿河間之不羣慕東平之最樂自頃離明輟耀震位虛
宮地德可尊人神攸屬式稽令典載煥徽章是用冊爾
為皇太子往欽哉有國而家有君而父義無二極重繫
萬邦何好非賢何惡非佞何行非道何敬非刑居上勿
驕從諫勿拂懋昭乃德惟懷永圖用陪貳朕躬以對越

詔令
作揚
休命可不慎歟

擬冊皇太子文

劉禹錫

維某年月日皇帝若曰於戲易云明兩作離大人以繼
明照於四方蓋所以毓其明德繼于正體邦本由是固
萬方由是寧粵祖宗之闡帝業亦莫不由此而繼于明
德肆予一人緒承大寶纂奉丕構懼有失墜以貽先帝
之羞永懷主器以繼明用副予不德咨爾元子王某襲
列聖之姿體健行之質吹銅稟異辨日耀奇早習德成

克敬師保事業可大和順積中天縱溫文生知孝悌洎
分錫土望出東平符彩昭彰禮樂文錯固可正位重震
為天下之儲君人神叶從德任相稱仰稽令典光載盛
儀是用罔命爾為皇太子往欽哉夫富貴莫大於家天
下忠孝莫大於敬君親俟爾一人貞于萬國必咨正事
必近正人必杜逸游必樂善道求諫如不及惡佞如探
湯懋爾厥修惟懷克和以貳于朕躬無忝祖宗之烈可
不慎歟

冊德王為皇太子文

薛廷珪

維乾寧四年歲次丁巳二月癸卯朔十七日己未皇帝

若曰粵夫立愛惟明建善惟長

一作則固

先王茂

一作盛

躅有

國丕圖承桃仰鏡於前星守器式當乎長子遐瞻載籍

眇覲洪荒雖步驟殊

一作隨

時質文異制逮于

一作乎

傳序

罔不率循國家高視百王同符三代平一區夏

一作守統

和人神垂三百年歷十八葉暨朕寡昧祗荷景靈屬天

步艱難岱宗牢落蒸人未久舊典爰曠庶尹卿士藩輔

元僚思正儲闡式固鴻業咨爾長子德王裕象叶增構
明啓少陽溫文在躬睦友成性博文強識無愧於老成
學禮讀書庶資乎師訓迺軒群議爰資舊章是用命爾
為皇太子嘻毓問承草重輝望苑永貞萬國明照四方
入則有師出則有保無怠三善往崇四術務親正人誠
近羣邪淑慎爾德一作止峻防所攻勉植厥猷罔墜丕訓

立秦王為太子詔

王言曾最

詔曰儲貳之重式固宗祧一人元良以貞萬國天策上

將

太宗實錄
有軍守

太尉尚書令陝東道大行臺尚書令益州

道行臺尚書令雍州牧蒲州都督領十二衛大將軍中

書令上柱國秦王某器

詔令
作氣

質冲遠風猷昭茂宏圖夙

詔令
作昔

著美業日隆孝惟德本周於百行仁為任重加於

萬物王迹初基經營締構戡剪多難征討不庭嘉謀獨

舉長筭必克敷政大邦宣風輿區功高四履道邁二南

任總機衡庶績惟允職兼內外彝章載穆遐邇屬意朝

野具瞻宜承鼎業允膺守器可立為皇太子所司具禮

以時冊命

武德九年

立晉王為皇太子詔

詔曰昔者哲王受圖上聖垂範建儲貳

詔令作兩

以奉宗廟

總監撫以寧邦國既義在於至公亦事兼于權道故以賢而立則王季興周以貴而升則文帝定漢詳諸方冊豈不然乎并州都督右武侯大將軍晉王治地居茂親才惟明哲至性仁孝淑質惠和夙著夢日之祥早流樂善之譽好禮無倦強學不怠今承華虛位率土繫心疇

咨文武宜

詔令作

所欣戴古人云知子莫若父知臣莫若

君朕謂此子實久衆望可以則天作貳可以守噐承祧

永固百世以貞萬國宜立某為皇太子可令所司備禮

冊命

貞觀十一年四月

立代王為皇太子詔

詔曰游雷揚社承祧之道爰著重離闡耀守噐之方斯

存故能撫寧軍國守固

詔令作永保

邦家詳覽遙

詔令作

圖緬

瞻遐冊繼業垂統咸率茲典代王弘地居嫡膺天縱英

微器質冲華神鑒韶

詔今作昭

遠恭謙表志仁孝居心夙彰

睿哲之風早通詩書

或作禮

之業朕以虛薄方啓無疆之

祚永傳不朽之基取則前王思隆正緒宜升上嗣養德

東宮可以立為皇太子仍令所司擇日脩禮冊命

永徽七年

正月

立平王為皇太子詔

門下舜去四凶而功格天地武有七德而戡定黎元故

知有大勲者

一有必字

受神明之副

詔今作福

仗高義者

一有必字

為

七鬯之主朕恭臨寶位享育表區以萬姓之心為心以

兆人之命為命惟

一作雖

承繼之道咸以冢嫡居尊而無

私之懷必推功業為首然後可保安社稷永奉宗祧第

三子平王隆基孝而克忠義而能勇比以朕居藩邸虔

守國彞貴戚中人都無引接群邪害正凶黨寔繁利口

巧言讒說罔極韋為溫孫秀

一作處

朋黨競起晉卿楚客

交權其間潛結回邪擠排端善潛貯兵甲將害朕躬隆
基密邇其期先難奮發挺身鞠旅衆應如歸呼吸之間

凶渠殄滅安七廟於幾墮濟羣生

一作群臣極

於將殞方舜

之功過四比武之德逾七靈祇望在昆弟樂推一人元

良萬邦以定為君副者非此而誰可立為皇太子有司

擇日備注冊命

唐隆元年六月庚午

一作皆舊唐書玄宗紀

立忠王為皇太子制

孫 逃

門下大寶曰位實在於

詔今作呼

丕承萬邦以貞由

詔今作必

建

於明兩朕嗣守鴻業祇嚴永圖恭惟七鬯之主豈捨人

神之望開府儀同三司兼單于大都護河北河東道行
軍元帥朔方軍節度大使兼關內度支營田鹽池押諸
藩部落等大使上柱國忠王璵天假聰明生知仁孝君
親一致友弟三成溫文之德合於古訓敬愛之風聞於
天下嘗亦視其所以察其所安考言有章詢事皆中知
子者父允叶於元良以長則順且符於舊典宜膺擇嗣
之舉俾受升儲之命可立為皇太子仍取來月內擇日

冊命所司准式主者施行

開元二十六年六月三日

立陳王為皇太子制

王言會最

門下古先哲王之有天下也何嘗不正國本而承天序

建儲兩

唐書作貳

而主重器朕以寡昧祇荷丕圖虔恭寅畏

思固鴻業慎擇令懿曠于旬時而卿士獻謀龜筮告吉

以為少陽虛位願舉盛儀列聖垂休俾合予志

詔令作俾予合

志選賢而立式表無私敬宗皇帝第六男陳王成美天

假忠孝日新道德溫文合雅謙敬和裕

唐書作保祐

蘊端明

之體度尚詩書之辭訓言皆中禮行不違仁是可

詔令無可

字以順唐書考舊章欽若成命授之七鬯以奉粢盛宜

回朱邸之榮俾踐青宮之重可立為皇太子仍唐書作宜令

所司擇日備禮冊命開元四年十月十四日

立景王為太子制

門下朕聞王者敬承廟祧欽若天命必建元子用寧邦
家所以光叶繼明嚴當主鬯朕纘承聖緒寅奉丕圖惟
懷國本之安爰在皇儲之重青宮久曠望苑未開則何
以式表元良昭宣鴻業稽於往冊用舉彝章長男景王

湛孝愛恭和忠敬誠懿慈惠特稟寬仁夙彰言通典謨
動合儀矩睦友宗屬遵承傳導克修令聞日茂嘉猷宜
踐儲闈以承休命朕以君尊父嚴每推乾道聞詩學禮

用首人倫嘉翼翼於誠心都

詔令
作親

蒸蒸於孝敬古稱知

子無議前修禋奉藻盛式昭元嗣宜立為皇太子宜令

有司擇日脩禮冊命主者施行

長慶二年十
二月七日

立鄧王為皇太子制

門下朕聞君天下者序承統業何嘗不樹建儲貳固安

詔令作
安固

邦家况長子有主器之義元良真立國之本上
以嚴宗社之奉下以順恒久之宜歷考前載率由斯道
鄧王寧性與忠敬生知孝友秉寬明之度體寬明之心
學師訓謨詞尚經雅動皆中禮慮不違仁稽以舊章允
膺上嗣朕獲纘丕緒夙夜恭虔常懼神明未歆政理多
闕曠茲茂典亟涉歲時今屬方內甫寧品物咸遂監皇
王之制詢卿士之謀時瞻大猷莫此為重是用授之七
鬯位以青宮欽惟永圖俾服休命宜冊為皇太子仍令

有司擇日備禮冊命主者施行

元和四年四月

立鄂王為皇太子制

內制

門下樹之后王所以輯寧黎獻承之副兩

一作儲副

所以安

固宗祧故能崇四術之科為萬國之本長幼君臣之叙

齒胄知歸溫文恭敬之風生人攸仰

一作郡佳攸居

古之制也

其在茲乎鄂王嗣謙聰睿夙成端莊特秀三雍禮樂必也生知五官詞藻居然暗合體道為器非假於學問資靈授德自符於神解樂華禮葉地義天經立人之道既

彰為子之誠亦

益一作

著今昇平在運中外咸寧將有事

於元良固不踰於樂

三一作

善宜光近日之敏俾則前星

之耀宜以來年正月四日備禮冊為皇太子所司准式

開元二年十

二月十七日

一作皆唐大詔令

冊皇太子制

內制

黃門朕聞王者神器天之大業震百里而崇孟侯照四方而建元子其所由來尚矣我國家參天貳地濟以豐

功祖武宗文承於密命顧循菲德寅畏鴻名太上皇命
朕以位卿大夫補朕之闕僉謂率先自爾稽古惟新國
本之大不可以不務皇儲之重不可以不立故宵衣當

宁聞義是將朝服升階

一作臨軒

擇賢而舉皇太子嗣謙生

知禮樂性成仁孝字孫之愛則敬不絕馳問豎之安則
恭而至寢觀其言精視牘思敏題鞭固以覈東序之討
論契南山之調護今少陽踐位獻歲發春草樹自樂乾
坤交泰副君之榜已別其宮太史之書更藏於府帝圖

斯永人望所歸庶符知子之明豈獨在子之慶用施寬
惠光于政理今望苑初開端僚是切天下有高才懋德
碩學純儒比迹春卿齊名夏綺具以徵辟

立遂王為皇太子制

玉堂遺範

門下承廟祧之尊固邦國之本重其緒業貞以元良斯
今古之通制也乃者春宮曠位已涉歲時一有將恐二字裸獻

闕主鬯之儀膠庠虛齒學之道其何以億寧方夏章詔

彰作示教源稽諸往冊用舉彝典遂王宥孝敬忠肅寬明

惠和遵保傅之言佩經訓之旨友于兄弟睦于宗親博愛而恕己以誠慎行而飭躬以禮載觀所履克茂厥猷

又克慎厥謀

宜升儲闈以對休命朕祇若成憲惟懷永圖法

三王垂統之規紹十聖重光之烈致嚴禋配俾奉業盛式昭上嗣之崇庶協明離之吉宜冊為皇太子改名恒

仍令有司擇日備禮冊命主者施行

元和七年十月

文苑英華卷四百四十三

欽定四庫全書

集部

文苑英華卷四百四十四至
六

詳校官庶吉士臣柳邁祖

助教臣常循覆勘

總校官進士臣朱鈐

校對官中書臣鮑之鍾

謄錄監生臣沈世玫

欽定四庫全書

文苑英華卷四百四十四

宋 李昉等 編

冊文三

諸王冊文

封授臨川等五王詔

沈 約

門下神牧帝鄉

類集作神
州帝城

冠冕列岳渚宮樊鄧形勝是

歸居中作衛翊宣戎勳

類聚
作重

隆茲

或作
名

寵號寔允舊章

竝非親勿居惟賢斯授西中郎將護軍宏朕之外

類集
作介

弟早宣

亦集作富

德譽董一藩政緝是嘉庸國禮家情瞻寄

隆重使持節督南徐兗二州諸軍北中郎將

梁書作輔國將軍

南徐州刺史秀風穎雋邁識業標簡任居藩翰政以化

成使持節都督雍梁南北秦四州諸軍事安北將軍

梁書

作冠軍將軍

寧蠻校尉雍州刺史偉體韻淹穆神寓凝正經

綸夷雅

類集作經綸夷險

參贊王業冠軍右衛將軍恢神檢外

洽淵量內湛奉職鈞陳周衛以穆使持節督荆湘益寧

南北秦七州諸軍事安

按梁書作平

西將軍荊州刺史愔秀

識冲情允文允武經啓王業寔有厥勤竝契濶綢繆分
形竝氣處家盡其匪躬朕承運迭興光宅四海藩維廣
樹經朔攸屬出納之宜望實惟允宏可使持節散騎常
侍都督揚南徐州諸軍事後將軍揚州刺史封臨川郡
王秀可進號征虜將軍餘官如故封安成郡王偉可使
持節散騎常侍都督雍梁荆寧南北秦六州郢州之竟陵
司州之隨郡諸軍事寧蠻校尉雍州刺史將軍如故封
建安郡王恢可侍中前將軍領石頭戍事領兵景佐封

鄱陽郡王愔可使持節都督荆湘益寧四州諸軍事平西將軍荊州刺史封始興郡王食邑各二千戶

封衡陽郡王成義為申王等制

蘇頌題

門下古者帝王受命以臨萬國子弟建封用尊五等其所由來尚矣尚書右衛大將軍衡陽郡王成義等敦詩執禮本仁祖義名教之樂得自幾深溫良之容發於忠孝晨趨魏闕則望掩軒霞夕賦曹園則思含澄景朕祇

奉歷數旁稽載籍克輔王室所謂通邑大都俾為唐藩

故能帶河礪岳分膺徃命咨爾眷歟

一作不可慎歟

可依前件

仍各實封一千戶餘竝如故主者施行

唐隆元六月廿七日

封鄧王等制

王言會最

門下昔周室制法備建宗盟漢室垂統畢封子弟其盛也二南教化首在國風其詳也九國土疆載于侯表朕嗣守丕業惟懷遠圖永言磐石之固宜本介人之重男平原郡王寧等孝友忠敬溫文惠和稟其樂善之姿強

於好古之學君親之教因敢失墜保傳之言亦惟佩服
由是寡悔至於通方庶可膺茲典章列是藩屏疏爵以
冠于侯伯分茅以賜于山川用明至公且叶前訓南平
郡王寧可封鄧王同安郡王寬可封澧王延安郡王宥
可封遂王彭城郡王察可封深王高密郡王寰可封洋
王文安郡王寮可封絳王第十男審可封建王宜令有
司擇日備禮冊命主者施行

元和元年
八月七日

封周王詔

顯慶二
年二月

詔曰昔周武垂則汾邑啟維城之固漢文承統睢陽樹

磐石之基所以作鎮邦家克隆景業早分茅土第七子

顯析派天潢䟽封日觀

詔令作毓粹雲
峯分輝日觀

風儀秀舉神識

冲和挺玉質而含章振金聲而發彩夙遵

一作傳
尊非

教於

詩禮方導

一作
遵非

德於間平既表岐嶷之資宜申珪社之

旣可封周王食邑一萬戶

封諸郡王勅

一作封皇太子大男
寧平原郡王等制

同前

勅王者嗣統必上尊祖廟中立人紀下及諸孫所以光

贊鴻猷發揮大典者也皇太子大男寧等溫敏茂淑依

仁游藝韶亂之歲自降其心詩書之言夙盈於耳朕初

建儲兩永固宗祧既當知子之明彌稱抱孫之慰一作尉

是用依方建邑一作籍土疏疆俾奉邦家式崇藩

屏本支百代冀邁一作叶於周詩子弟畢封更高一作隆於

漢室於戲承紫極之慶稟青宮之訓惟師友是敬惟忠

孝是憑以樂善為心好賢為德古有成範爾其欽哉真元

二十一
年四月

一作皆唐大詔令

封諸王制

詔令作封
沔王制

同前

門下朕獲承天序欽若前訓用建藩輔以明親賢斯古
先哲王之令典也弟景等孝友寬厚溫文肅敬行有枝
葉道無緇磷踐君子之中庸究賢人之義理情惟樂善
志不近名慕間平之令德希曾閔之至行是用宜分建
茅土衛我邦家叶于展親永固磐石是用舉其成命錫

其徽章弟景可封酈王第九弟悅可封瓊王第十弟恂
可封沔王第十一弟懌可封婺王第十二弟愔可封茂
王第十三弟怡可封光王第十四弟協可封淄王第十
五弟憺可封衡王第十六弟悅可封澶王長男湛可封
鄂王第二男涵可封江王第五男湮可封潁王宜令有
司擇日備禮冊命主者施行

長慶元年三月

封晉王制

同前

門下昔周室之興也藩戚竝建式茲於維城漢氏之制

也皇子畢封用固於盤石斯所以載宏丕緒惟懷永圖

且茂德於本支遂推恩於嗣息

詔令後嗣

况某

詔令無某字

祇荷

眷祐屬當長賢宜承寵章允膺舊典長男普幼稟異質

夙應嘉祥既表岐嶷之資日慕恭良

一作日良恭慕非

之性朕

以寡昧虔奉宗祧庶明父子之親以及君臣之義命以

樂國錫其介珪用敷可久之基爰叶至公之道可封晉

王宜令有司擇日備儀

一作禮

冊命主者施行

寶慶元年十一月

冊梁州都督漢王元昌文

岑文本

維貞觀元年十二月己卯皇帝使某副使某持節冊命

曰於戲夫易陳利建道貫三才傳稱夾輔業隆百世是

以周之魯衛式固維城漢之梁趙克隆一作磐石惟爾

使持節都督梁洋集畢四州諸軍事梁州刺史漢王元

昌幼聞教義器識聰明早開土宇禮數優隆一作過矣

南郊襟帶西蜀按郡之重茂親是寄持名之譽朞月有

聞是用式以茅賦一作備茲典冊爰誓山河允作藩屏

朕聞曰事君盡禮資於孝敬為政以德始於仁厚故士

無貴賤由之者揚名時無古今背之者殄行往欽哉爾
其執心於忠孝踐行於儉約無好逸豫以犯非禮無縱
嗜欲以適宵人明率舊章永保疆土可不慎歟

爾其至慎歟四

十字一作爾其去奢從儉遠佞尊賢克勤匪懈垂憲乃後可不慎歟

一作皆初學記

冊潞州都督韓王元嘉文

維貞觀十二年四月己卯皇帝使某官某持節冊命曰
於戲肇自黃唐泊乎漢晉莫不敦睦

詔令作穆

親戚任用賢

能咸作疆土世為藩翰惟爾使持節潞沁韓澤四州諸
軍事潞州刺史韓王元嘉識量沉厚業尚脩整夙稟趨
庭之訓早膺折桂之寵上黨奧壤地連秦晉開國之典
攸居按部之譽允穆是用率由故實光備寵章式固維
城傳之永世朕聞曰詩書禮樂仁義之府也孝友忠信
人倫之基也是以河間之賢在於脩學東平之譽成於
為善徃欽哉爾其覽載籍之旨求聖賢之訓戒茲邪僻
以仁厚為心勗彼怠荒以重慎為德乃服明命

詔今作
明乃服

命勿替敬典可不慎歟

冊遂州都督彭王元則文

於戲蓋五等肇於帝軒周殷不改其制六條創於有漢
魏晉必修其道是知選賢建戚莫先於藩衛經邦政治
允資於刺舉惟爾使持節督遂普果合四州諸軍事遂
州刺史彭王元則幼稱岐嶷夙稟義方塞惟汝穎之地
聲績可紀建旗巴蜀之境風俗以康是用率由令典錫
茲寵命傳爾子孫長為唐輔朕聞為臣子者踐行繼於

忠孝處富貴者貽戚在於驕奢故能播名當時垂芳後裔往欽哉爾其監于經籍詢于著龜見善如不及見惡如探湯無違禮以害身無縱欲以敗俗夙夜匪懈罔有後羞可不慎歟

冊雍州牧左武侯大將軍越王泰改封魏王文維貞觀某年某月某日甲子皇帝曰於戲昔在哲后受命君臨竝建茂親以為藩衛然則古之列國今之按部循名或異立政是同皆所以共治黎元俱獎王室克隆

鼎祚咸悉由之惟爾雍州牧左武侯大將軍越王泰生
而韶敏幼而好學樂善不倦才德日新地則維城禮優
分器惟彼三魏寔號五都非親勿居夾輔攸屬是用命
爾為使持節都督相衛黎魏洛邢貝七州諸軍事相州
刺史改封魏王傳之子孫長為藩翰古人有言皇天無
親惟德是輔民詔令作人心無常惟惠之懷徃欽哉爾其監
此詔令格言無自驕奢無適邪佞兢兢業業以保爾茅
土可不慎歟

冊洺州刺史鄭王暉改封蔣王文

前人

於戲朕光膺寶圖欽若前典崇睦

詔令作穆

親之義固惟城

之業並錫之以土地授之以刺舉爰誓山河永作藩翰

惟爾洺州刺史鄭王暉幼稱岐嶷早聞詩禮式開土宇

允備車服惟彼漢地兼舊楚作鎮之重僉議攸歸是用

命爾為使持節襄州諸軍事襄州刺史改封蔣王傳之

子孫長為唐輔朕聞立身之基曰忠與孝為政之本曰

禮與德行之則成名違之則喪道詳求大訓莫此為先

往欽哉爾其祗服朕詔敦演

詔令作說

經典無奢侈以乖節

儉無逸豫以虧謹肅聿修厥德垂徽於永世可不慎歟

冊岐州刺史許王元祥改封江王文

前人

於戲蓋王者受命聖人作則垂法度以經邦選賢戚以

布政作屏王室莫先於胙土共治天下寔寄於頒

詔令作班

條惟爾岐州刺史許王元祥幼稟義方早有志尚地惟

邢晉禮優河裴

疑姑

蘇奧壤舊吳是宅既建作牧必侯懿

親是用命爾為使持節蘇州諸軍事蘇州刺史改封江
王傳之子孫世為唐輔朕聞曰孝敬忠貞人之美行也
禮讓仁恕政之善經也是以奉上者戒於邪僻御下者
儆於驕傲然後能保其疆土和其民人往欽哉爾其鑒
持身之規求為邦之道尊五美而屏四惡近君子而遠
小人祇畏兢兢無替朕訓可不慎歟

冊紀王慎為荊州都督文

上官儀

維顯慶伍年歲次庚申某月某朔某日甲子皇帝若曰
於戲南紀之津上躔翼軫西浮之路旁帶巴巫信形勝
之大澤是英靈之奧府恤隱之寄懿親攸屬頌詔令作班條
之美良翰爰歸左衛大將軍澤州刺史上柱國紀王慎
漸天潢而含潤資日觀以搞文藝重三雍道優二陝梁
地挺秀燕館趨賢位表銜珠入光蘭猗職華分竹出美
棠陰簡惠以孚聲績斯邵是用命爾為使持節都督荆
岐岳朗等四州諸軍事荊州刺史上柱國紀王勳封竝

如故往欽哉夫道德齊禮允布政之化踐孝施仁誠立
身之本必宜周旋勿墜雅譽彌高勉脩廼職對揚休命
可不慎歟

詔冊號王鳳為青州刺史文

維麟德元年歲次甲子正月己酉朔二十一日己巳皇
帝若曰剪商胙邑寵秩盛於隆周懲秦錫一作啟社徽名

崇於有漢况乎爵窮五等榮總六條乃茂德之攸升固

非賢之罕

一作
而靡

擇泌州刺史上柱國號王鳳履局端嚴

襟神秀整道光懿威望重宗維恭慎之心符小言而緝
譽虛凝之度包大雅而揚聲體備剛柔藝殫文武騰芳
桂嶽動貞韻而鏘金寫照荷池嚮清文而振玉若迺緇
源迴跨岱址斜臨人被萊風俗兼齊舊布中和之化申
簡惠之風觀政所先建邦斯在一作親是用命王使持節
青州諸軍事青州刺史勲封如故往欽哉王其克邁十
倫稽往賢之峻躅勤宣九德蹈前哲之英規絕浮競之
津廣真淳之路光昭淑問可不慎歟

一作皆唐大詔令

詔冊江王元祥為鄜州刺史

維麟德元年歲次甲子正月己酉朔二十二日庚午皇帝若曰於戲列爵開基資連屬而敷化班條馭宇籍藩衛而裁風是以一作知光闡帝猷發揮人極固宗庶而兼

列必親賢而竝建鄧州刺史上柱國江王元祥識尚閑

偉體局貞凝履順而居真一作自居冲輝一作而持一作待物

梁臺既啟背淮之裾爰萃燕館一作宮載闢發洧之駕相

趨甄綜掩於河書精通符於沛易無道一作神遺糾察政叶

寬平包吐茹之竒通弦韋之用乃至地隣宗翼俗備一作

格於五方壤密廻一作封潤沾於九里是用命王為使

持節鄜州諸軍事鄜州刺史勲封竝如故往欽哉懋德
惟忠持盈在約思勤躬而景問無弛度以虧名宗簡正
之規邁安常之節祇膺寵命可不慎歟

一作皆唐大詔令

詔冊周王為并州都督文

維龍朔元年歲次辛酉十月癸亥朔十七日己卯皇帝

若曰夫騰華星苑崇名器於藩維憑暉日御峻寵章於

侯服故本枝增蔚鴻緒滋繁而汾陽奧區鎮龍山而控

遠冀方

一作北非

腴壤接鴈塞而䟽疆連率之寄親賢攸屬

咨爾洛牧上柱國周王顯風則開秀器彩靈

一作虛

明識

表魏州之象詞掩蘭臺之駕西園孤月秀心鏡而齊鳴

小山叢桂偃情田而竝烈溫恭夙邵

一作紹

業尚日新棣

萼交芬瑾璋具美是用命爾為使持節都督并汾冀嵐

等四州諸軍事并州刺史牧及勲封竝如故爾其克脩

天爵事

一作聿

苞地義方資化敷大夏惠漸京陵必宜缺

社鳴桴

一作社鳴桴

褰帷廣聽懋宣聲績長綏福履光膺顯

命可不慎歟

一作皆唐大詔令

冊詔殷王旭輪文

維龍朔三年歲次壬戌十二月景戌朔六日辛卯皇帝
若曰於戲夫握鏡黃道經邦盛於建侯司契紫宸體國

昭於宗翰故廼祚延邳

疑作邳

鼎之業歷峻豐社之基惟

爾第四子旭輪毓景星躔遵源天漢亞重離而接耀承

少海而分瀾秀質挺華

一作秀實挺華

芳聲金潤天人之望夙

彰髻綺大雅之規遽形襁褓幼智該於玄表潛識冠於

黃中舟象垂風方慙性與封蟻宣譽終謝生知是用命

爾為王上柱國往欽哉將用齊衡兩獻比迹二南彫藻

珪璋粉澤仁義竹池逾浚棣屏增輝

一作華

受茲茅土可

不慎歟

一作祇慎

一作皆唐大詔令

詔冊殷王為單于大都督文

維麟德元年歲次甲子二月己卯朔九日丁亥皇帝若
曰於戲帝子之星憑紫潯而啟耀天孫之嶽峙青路而
摘光故慶表裁梧德成觀梓皇跼廠屏聲孚地軸之西
儲秀英藩颺偃宸街之北冀州大都督上柱國殷王旭
輪金精挺秀玉穎層敷姿表淹凝符詔令器彩閑雅淮南
之鏡混冲昭於髻辰睢陽之藻齊洪輝或作耀於綺日綠

車就駕朱邸洞開榜道招英賜田期彥蕙獵清風宣芳
於大雅蓋承流日詔令作月澄華於高義固以聯宗躅於河
楚疊茂軌於鄴郟是用命爾為單于大都護大都督勳
封竝如故往欽哉爾其緘訓趨庭競懷履薄方資威橫
鴈塞惠漸龍沙光膺朝獎可不慎歟

冊汴王邕文

蘇頌

維景龍四年歲次庚戌五月辛亥朔二十八日戊寅應
天神龍皇帝若曰易不云乎義崇於利建書不云乎道

尚於敦睦故知樹藩屏者以奉先王之言強宗室者乃
歸諸父之肩咨爾金紫光祿大夫行祕書監檢校太尉
殿中監知隴右三使仗內諸閑廡上柱國嗣虢王邕爾

門膺魯拜地冠虞封本以忠孝仁義之規成乎宣慈惠

和之業思窮占雨

東觀漢紀沛獻王輔善京氏易永平五年少兩上以易林占之繇曰蟻封

穴戶大雨將至上問輔輔曰蟻穴居知雨將至詔作沾非

沛經不測其精詞高賦月

陳詩莫踰其麗匪惟政脩中夏稱於虢叔固以姻連外
戚寵則吾媿遂能在位不驕鳴謙自牧造次何者寧忘

服儒從容謂之最樂為善加以望隆才位聲軼典司動
則有恒靜而無撓載刊三豕厨委於殺青爰捧六龍廡
填於伏阜故可以榮絕乎四履位微乎九就夫陳留者
徒梁之邑在浚之郊井邑遂割於鴻溝舳舻遠通於巨
壑雖帝堯遺俗國中承重厚之風而王武梁王武一舊
作也賦非
邦天下擅膏腴之地親既賢矣我圖爾居是用命爾為
汴王於戲爾其敏厥行祇厥典思不怠畏不法取則前
鑒罔貽後羞行作我唐藩以惠于汴土眷之哉其保朕

之休命

文苑英華卷四百四十四